

iugeoit à propos, Dieu y pourueut, car de bõne rencontre, ie l'arrestay, aiant veu la mauuaife difposition de fa iambe.

Son compaignon femble vn peu plus morne, c'est ce pauure fugitif que Saint Ignace nous ramena l'an passé, apres vn vœu que nous luy fîmes pour son retour: le changement & la constance d'Armand luy a beaucoup feruy. Depuis qu'il le vit Chrestien, il se rangea de foy-mefme aux ieufnes de l'Eglise: il a montré vn desir extraordinaire du Baptesme, il entend volontiers quand on l'aduertit de ses manquemens, il est d'une humeur assez affable & complaisante. N'estant encore que Cathecumene, il s'abstint de manger d'un Eslan qu'il auoit pris à la chasse, pendant le Carefme, nonobstant les fatigues de ses courses.

Il se prepara au sainct Baptesme 1. par vn ieufne extraordinaire, 2. par le retranchement des plaifirs de la chasse, où il est fort enclin, 3. par vn recueillement interieur, s'entretenant quelques sepmaines [60] sur les Commandemens de Dieu.

Depuis qu'il a esté fait enfant de l'Eglise, on a remarqué en luy toute vne autre docilité, vne modestie, & vne honesteté exterieure, qui part d'une pureté interieure de l'ame, avec vne soubmission de sa volonté à la conduite du sainct Esprit, & à la direction de ses maistres.

Je ferme ce Chapitre, difant vn mot de l'vnion & de la concorde qui se retreuve entre ces deux ieunes Sauvages, si qu'on ne les a iamais veu se quereler l'un l'autre: Je sçay bien qu'il y a de la nature, & qu'une mesme langue, & les mesmes exercices leur lient naturellement les cœurs, mais aussi s'apperçoit-